

D. M.



kat.komp.

220103



Mag. St. De.


P

Parsis.

Feol. 5282

Matahowski Adami Carimio: Navis pte  
fiova virtutum cimelia per mare Ma  
riannor devchens. —







NAVIS  
PRETIOSA VIRTUTUM CIMELIA  
<sup>P E R</sup>  
MARE MARIANVM  
DEVEHENS,  
D. MARIA  
MAGDALENA  
DEPAZZIS;

Annuo suæ Solennitatis Die, in Basilica  
Celeberrimi Conventûs Cracoviensis  
Majoris, Perantiquæ Regularis ob-  
servantiæ P.P. Carmelitarum.



Devotâ Panegyri,

*In Illustrissima Magnorum Hospitum Corona,*

A b

ADAMO CASIMIRO

*de Małachowice.*

MAŁACHOWSKI,

CASTELLANIDA Inoyłodensi, Eloquentiæ in Alma Aca-  
demia Cracoviensi AUDITORE.

DEMONSTRATA.

*Annò, quò NAVIS Pretiosa Saluti humana, calitùs advexit Cimelia.*

M. D.C.C. X. X. Die verò 26. Maij,

CRACOVIAE, TYPIS ACADEMICIS.







CELSISSIMO  
ILLVSTRISSIMO  
&  
REVERENDISSIMO  
DOMINO  
D. CONSTANTINO  
FELICIANO  
SZANIAWSKI,  
DEI & S. SEDIS APOSTOLICÆ Gratiâ,  
EPISCOPO VLADISLAVIENSI, NOMINATO Crac:  
DUCI SEVERIÆ



*T* Sarmatico genio, ut Minoris Poloniae voto,  
ac tandem cunctorū latitiæ paream, prom-  
ptitudo mea Classē instruit: quā Tu Pō-  
loni Nominis gloria, magnū minoris Lechiæ  
incrementum, coronati Vavelli majestas,  
priusquā ab auida expectantium Te pu-  
pilla noscaris, corda ac animos occupes deside-  
ratissimus. CELSISIME PRINCEPS  
Illustrissime & Reverendissime Præsul. Præ-  
venisti PRINCEPS CELSISIME quosvis Clie-  
ntium motus, cum Tuorum meritorum notitia, minimè alieno vecta  
adjutorio, prius omnium pectora incurrit, quā Tu singulorum oculis

A

Te



Te Cracovia sislas, Obiectum Principale. Iam à virtutum Tuarum  
conciuitate in urbe Polonia, prima vultus Tui noscuntur lineamenta  
& formantur; quamvis adhuc non per speciem Tuam dignam, Sa-  
crorum imperio, ingrederis Diacesis Cracoviensis Imaginativam, sed  
virtutis Tua nexu, uniris animo populorum. Tantum crede distas  
à nobis: quantum inter Te & Tuam probitatem spatium; cuius  
quoniam Tu compars: jam igitur Tu cunctis notus, antequam visus.  
Novimus immortalitate post sera Tui fata donanda Tua opera,  
& quia mentes nostra illorum sunt incapaces, seculorum proinde  
volumus exerceri memoriam; quā comprehensus, adsis praterlapsuris  
temporibus presentissimus. Et pacto hoc ad mentem orbis, ad votū  
temporum venies, omni aetati in optimorum Ideam proponende.  
Siquidem, qui anteaetorum annorum tractus? quae praeiterita aetatis  
revolutio adeo felix? tam prosperioris successus ferax, quam haec:  
quā Tu superstes unus pro omnium commodo vivis, & vivendo excu-  
bas. Debemus Tibi omnia: quia nos ipsos, eo potiori titulos quia  
à Te Cives Patria servatos. Tu etenim & ante Curules Senator,  
& extra sublime Pontificis munus & Ecclesiae, & Patria pervigil,  
speculator semper tueris nos intuendo: & quod in Romana gente  
efficiunt asylla; hoc apud nos in Polonia, nescia terreri praestant pal-  
pebra Constantini. Hinc quod olim solenne fuerat in Crucis signo  
vicisse CONSTANTINO, nobis nunc sub CONSTANTINI  
nomine, trophaea erigere triumphalia, vulgare. Adeo Praesul CEL-  
SISIME didicisse nos triumphos fecisti: ut cladem nosse, scientis  
esset gloria non postrema. In pedes vertisti Praesuleo Tuo Pedit ad versa:  
ut nullam in Polono solo inveniant stationem. Et licet Polonia cam-  
pus sit, in ea tamen Campum non habent victoriae, quibus Polona  
libertas ducatur in triumphum. Acclinasti potius Sarmatico Nomini  
Capitolium, ita: ut plana semper suis campis Polonia, collibus nunc  
assurgat triumphalibus. Montanam igitur subito miramur regionem;  
quam hostium impetui arduam intuemur. Talem Tu fecisti consilio,  
erexisti virtute, sublevasti exemplo. Verè & à tangente sidera, ac  
liberiores, supereminente aërem Olympo, non abludit Patrius orbis:  
nisi fortè hoc à montibus Te id agente discrepat, quod jugum non sen-  
tiat. Agent Tibi gratias posteris, prono poplite futura ruent saecula  
ad Tuas Praesul plantas, quod pristinum illum Polonia vigorem.



tot impetuum odijs servaveris, servatum retinueris, retentum imminenti transmittas velocium temporum decursui. Videbunt illi quos subsequens excipiet ævum, nihil de antiquo Polonorum more imminutum, mirabuntur antiquam vigere libertatem, pro cuius integritate contra impetus adversorum, stetisti consilio constantissime. Et merito Tu præter titulos **ILLUSTRISIME**: etiam sine graduum accessu sola virtutis sublimitate **CELISSIME**; à Vladislavien- sibus armis, in Cracoviensis Vavelli summitatem: vocaris ad mitras, invitaris ad Coronas; ubiq; meritis, ac rectè factis facile **PRINCEPS**. Deterimus lachrymas nuper, ex obitu **CELISSIMI LUBIE- NII** conceptas, vel sola nominis Tui fama, quæ Te non ex ore unius sed à voto omnium, boni **PRESULIS** optimum Successorem destinabat. Planè hoc desiderium totius Polonia fuit: ut mea ab occasu tanti sideris, ex ortu tandem Tuo, honoris in augem Majoris, latitæ indulgeret. Paruitq; occulta factorum dispositio conspirantibus in Te communiter votis, ita: ut quod corde solum latuit omnium, pateat nunc in apprico obtutui singulorum. Tu inquam **PONTI- FEX** ac **PRINCEPS** & idem virtutis constantia, honoris eminen- tia. In te talem tantumq; **PRESULEM** venturum; quantum commu- ne intendatur desiderium, habebis hujus tot oculos testes, quot invenies in ingressu avidos Tui spectatores. Parant singuli adventui Tuo pe- tiora, instruunt solenni Tuo plausuri ingressui voces, quibus desidera- tissime **PRESUL** exceptus, in eo tandem sis culmine: quod Ti- bi non pro meta honorum, sed nobis tantisper pro scopo erit gaudi- orum. Tu nunc animorum ac Ingeniorum sedula cognitatio, plures pro laudibus Tuis quæ defacto Terum sunt, Colchos videbis navigasse lasones. Felices illi cum aureo virtutum Tuarum vellere properent. Sed nec sim ego naufragus, dum, cum sacratoris Carina **DIVÆ** inquam **MAGDALENÆ de PAZZIS** encomio, ad Pontificias plantas affundor. Celeste hoc donum est: Te maxime Pötifex dignum qui in Polonia polum esse jubes, & ego Orbi Literario celum; a tuis auguror benficijs. Quot reperimur in Scholastica arena Stadiodromi, tot Vates favorum, a Te imminentium afflati spiritu, Musis nostris Gratiarum Tuarum consortium promittimus. Quod Apollinem nostrum quarto jam seculo maturum, ad florentem juventam reduces: spei nostræ argu- mentum est. Quod literas nostras armis nuper, semper livoribus expo-



*sitas tueberis: futurum Scholastici laboris solatium emergit. Quod deniq; Manipulum Iagellonicum, aeternam priscorum Regum memoriam, eorumq; amoris erga Poloniam juventutem tesseram, Academiam inquam Cracoviensem stringes favoribus, hic ominor, cui propensum Tuum in literas literatosq; animum, noscere est concessum. Seraphicis igitur succensa flammis DIVINISSIMA MAGDALENA de PAZZIS, dictionem meam veriore carina impetuosam quadam vi in Tuum propellit conspectum. Imò cum illa & NAVIM se caelestibus Cymmelijs onerariā esse in MARI MARIANO non excusat; omnino ad litus benevolentiae Tuae venire desiderat. MARIA praedives est, tot virtutum, tot meritorū clenodijs onusta, sola tantum verborum meorū cymba tenuitatis suae conscia fluctuat; an sub oculos tanti PRÆSULIS sit decursura. Sed permittes leviori tenuioris dictionis navigio, nominis Tui gloriā, ante ingressus Tui maiestatem, spectandā exhibere. Anteambulo sit sermo Oratoris Tui, sed non laudis Tuae: quā cuncta precedis de Te dicentium molimina. Arescunt Te imminente Oratorij fontes, igitur in MARIANUM MARE nē dicendi de Te defecisset materia, NAVIM debui expedire. Sic inopes verborum, inter affluentiam laudum Tuarum facis: ut adhuc egeant, quibus incumbit orbem implentia totum, encomia Tui evulgare. Tu calū Pontificia attingens Tiara, ipsos superos commoves in applausus. Prasuleo Pedō terram quatiens, jam imperas omne ante Te genu flecti, quidquid ē terra calum suspicit. Te siquidem Numina elegere, ut cum novos honores auspicias, Te & calum colat, & orbis veneretur. Habes itaq; nunc ab astris porvolantem SERAPHIM MAGDALENAM, Te ANGELUM Ecclesiae, Cracoviae praestolantem. Habes per crystallinas caelestium Gratiarū lymphas ad Marianas Arenas appellentem NAVIM, Tibi, pretio majus velleris donum nobis vehenti, praeludentem. Da igitur favoris Tui Favoniū, feliciores apud FELICIANUM Insulas certò speranti Carina, praebe etiam benevolentiae portum Naclero: qui Tibi semper votis longeva vita velificans, ad Prasuleas plantas rudentem conatus mei, una mecum proijcio. CELSISSIMAE Illustrissimae & Reverendissimae Dominationis Vestrae.*

Humillimus Servus & Clientis

ADAMUS MAŁACHOWSKI,  
C. I. E. A.





# ORATIO



**I**nter asperi incommoda fati, serenam frontis explicare amœnitate, inter undequaq; ruentes malorum cuneos felicem cursum spectare, inter tumultuantes turbidi Maris procellas, secundam sperare malatiam, arduum ac difficile molimen est. AA.

Adeò namq; in hoc procelloso malignantis mundi Oceano iniquæ sortis concutimur fluctibus; ut nemo lætum canat celeusma; rarus vitæ suæ feliciores progressus celebret. Quippè ut mundus cepit, illicò desipit, nihil firmum, charum sibi existimans; præterquàm coævam vitæ suæ inconstantiam. Sanè à fluctivago sui statu convenientius delineabitur mundi imago, si procellosum Mare proclamabitur. Sævix enim Mars insatiabilis cruoris humani helluo, continuis bellorum fragoribus universam fortunæ gestiens concutere Classem; & veluti in Mulciberi officina, gravi armorum strepitu, nostram conatur deglutire felicitatem. Effundunt rabiem Imperio Eoli, fu-

B

rentes



rentes impetu venti, continuo motu luctantur  
Euri, strident ab Aquilone concitatae procellae: ut  
suo immani hiatu universa demoliantur rerum cul-  
mina. Jacent in cineribus plusquam per decenniū  
obruta arte Pelasga ærefusa. Urbium mœnia, solo  
æquantur superba Regnorum propugnacula, ru-  
unt munitissimæ arces, decidunt astris contiguæ  
turres, flectuntur in rudera Urbes, & quidquid  
basilico magnificoq; opere eminet; velut pro-  
cellosi voragine Maris in ima detruditur. Non u-  
nius Reipublicæ Navis in hoc angusto Hellespon-  
to, dum ad fortunatas navigat Insulas, rapidis sor-  
betur vorticibus; non unus Iason, dum nimium  
confidit secundis, in Colchico cespitat itinere:  
non unus huic committens pelago ratem, ante  
præmeditatum littus se ipso voraces aquas exsa-  
tiat: imò ille infelix, ac nimium deflendus, pri-  
usquam avidos gressus prosperiori Margini ex-  
ponit, vitam exuit. Hinc si placet sollicitam bo-  
ni sui gerenti mentem, malorum vitando injuri-  
as, asperum firmo pede premere Caucasum; si  
libet peregrino more post Calpen & Abylan evi-  
tandi gratia fati cōtendere, ac post ultimam Thu-  
len, bonæ spei extendere carbasa; mundi attamen  
tranquillam invenire stabilitatem: etiam post mil-  
le discrimina non valebit. Sed itanè nullibi secu-  
rum expediemus navigium? siccinè ad Promon-  
torium bonæ spei, felici nemo perveniet decur-  
su? Extra dubiæ Quæstionis arcana: ita est. AA.  
Per mare tantum MARIANUM securior succedit  
navigatio. Non enim alibi liberiori progressu  
gratiosæ sulcantur undæ, quam in Cælesti Gra-  
tiæ



tiæ MARIANÆ Eridano. Huic dum optimo consilio se committit virtutum & sanctitatis oneraria, inæstimabilis candoris Gemma, Elianæ Insulæ Decus; prælucentibus sibi Carmeli syderibus portum feliciter tangit DIVINISSIMA MARIA MAGDALENA de PAZZIS. Quare soluta Oratoris dictio, ultrò se purissimis Mariæ amandat fluctibus, qualis quantaq; in illis sit MAGDALENÆ probitas, spectatura. Sed NAVIS pretiosa virtutum Cymmelia, per Mare MARIANUM devehens, DIVA VIRAGO conspicitur: NAVIS igitur in conspectum publicæ lucis ab ore profluit indiserti. Ubi ignosces DIVINISSIMA VIRGO leviori dictionis Cymbæ, quòd Te navim attenter evulgare. Pretiosa siquidem virtutum tuarum Cymmelia exiguis non possunt ferri navigijs, igitur Classis titulo permittas Te nominari. Si ita voto annuis, affer opem conatui: ut in Tusas laudes effusus, tandem in Promotorio suæ spei videatur. A vobis etiam AA. Sacrationi huic Navi, benevolæ attentionis sperantur Favonij, qui ut benignius afflent in imum demissi Cultus profunditur Eloquentia.

Onerariam hanc solummodò dixero Navim, quæ pretioso gravis pondere, non absq; summi oneris sensu Neptunios recessus præterlabitur. AA. Decurrit illa eo feliciore sulcans æquora passu, quò firmiori manet prædita apparatu. Itaq; adlinc necesse est illi grandiores quàm Dodonææ, Iovi sacratæ quercus, quæ non Orphei adductæ lyrâ, sed acuta detruncatæ securi, amplam de se extruendi operis copiam suppeditent. Prora hinc,



indè puppis: & nè facile infestis corruat fluctibus, robusta adhibentur latera. Nec sufficit firmandæ huic solius ligni usus, ubi saxosis pectus opponendum scopulis, chalybeis benè muniatur ferramentis. Stet subvectus alto, non humili malo, ast proceriori obiete fabrefactus in medio malus; hicq; mille stipetur funibus, quo eminens navis: ut citiùs destinatum accurrat marginem, turgidis adhuc velis instruatur. Reliquum hîc si curiosior pupilla navium perlustrat apparatus, cerè non dubiæ spei nuntiam, inter tumescentes Oceani procellas, videbit anchoram. Imò & magneticam tanget acum, certissimam inter afflantes rapacium ventorum turbines ductricem. Ad hæc prælucentia Astra, ac per devia quæq; tutû præmonstrantia iter, advertet sydera. Quinimò præter tanta Navium commoda, nec lenè spirantes deficiunt Favonij: quæ ubi ad portum steterint, in coronide prosperioris decursus, ac post mille fluctuum discrimina, triumphali lauro coronantur. Talibus tantisq; ornamentis si conspicuam cernere DIVINISSIMAM MARIAM MAGDALENAM de PAZZIS exoptatis, eandem sagaciori mentis intuitu NAVIM, VIRTUTUM Cymmelijs onustam, & per Mare Marianum currentem perpendite. Stetit illa in primo orbis ingressu ad littus Celeberrimæ Urbis FLORENTIÆ; ubi meritò primam quæsit stationem: nam summi pretij bajula NAVIS vernantibus nonnisi Incolis debuit primò commendari. Hæc necdum suæ ab ulnis missa Lucinæ & jam varios fluctuantis anfractus carinæ naturam imitata. Si et-

enim



enim Navesimmergi nequeunt, si per altos gurgites securo saliant impetu: en DIVINISSIMA MARIA MAGDALENA de PAZZIS in publicam orbis faciem ab utero Mariæ Bondelmontiæ ueluti è Thetidis Regno leviori subsultu progreditur. Quæ omnimodam Navis referens imaginem, non Phidiæ aut Dædalo, struendæ arte eximijs, sed prudenti desuper committitur Camillo. Eum siquidem superi sanctioris hujus Navis, usq; ad portum felicioris vitæ jusserunt esse Architalassum. Horum itaq; Parentum studio, vix primam orbis hujus aspexit lucem, MAGDALENA, illicò sacro Baptismatis fonte circumfunditur; cui nè Divinior defuisset cynosura, sereno illibatæ Catharinæ nomine denotatur. Hinc felicem Tibi evenisse sortem gratulor DIVINISSIMA VIRGO, quòd tantæ Virginis, imò immensarum virtutum triclinij Ety-  
mum assumpseris. NAVIS es, divitiarum Tibi affluxus opus est, quas cum Catharinæ suscipies patrocinio. Proindè ut non dissimilem tanto nomini vitam, sed virtutibus ejus parem ducas, gloriæ Tuæ urget necessitas. At extra quodvis consiliū, VIRGO æmula magnæ comparet sanctitati. Quinimò Alienæ virtutis insitens vestigio, laudandâ invidiâ, palmam sibi præripere non concedit. Etenim propè infans, & primo ætatis vernans flore, jam maturam omnis perfectionis, ac Divinarum Gratiarum cumulat acervum; indies alimoniam corporis sui, alienæ elargiendo egestati. Præter hæc, MAGDALENÆ, NAVIS inquam pretiosa Cymmelia  
C deve-




devehentis indicia, adhuc cætera libeat per-  
lustrare. En Angelicus puritatis candor, in-  
taminata frontis verecundia, morum probi-  
tas, verborum integritas, sanctimonia vitæ in-  
numeraq; alia sanctarum virtutum societas, in  
eximium MAGDALENÆ affluit commercium.  
Inter quos virtutum conspicuos splendores, ac  
inter tot corruscantia probatæ sanctitatis docu-  
menta, hoc tantum unicum MAGDALENÆ  
deesse videbatur; quod obvoluta mundi inque-  
ti faragine, in sanguineum Passionis Dominicæ  
Oceanum, vela commodè expedire non potu-  
erit. Hinc anhelos spiritu felicius desiderat per-  
fectioris status adnavigare Promontoriū. Quod  
cum ita persuasum fuerit MAGDALENÆ,  
omninò eligit de procellosi maris turbine; ad  
Mare Marianum transfretare: tum ad fortuna-  
tam Eliani recessus Insulam, tranquillum inveni-  
re solatium. Factum est, quod in votis fuerat  
præconceptum: tum pacatiori insiluit freto, dum  
MARÆ de Angelis Cœnobium, ut pretiosa inde  
Virtutum vexisset Cymmelia; eligit incolendum.  
Sed quæ operum Tuorum ratio, Virgo Sanctissi-  
ma? dum enim tranquillum indagas Statum, ad  
Carmeli collem, turbidum Mare, mundum inquā  
linquendo, majores motus invenis! Hic attendat  
perspicax virtutum MAGDALENÆ ratio, quo  
ferventioribus votis æstuat ad Religionem Di-  
va Virgo; eo profundiori pacatioris vitæ inni-  
titur fundamento. Iam itaq; in ordinem lecta  
Carmeli, ut per Eridanum lacrymarum, feliciori  
sorte queat navigare, Sanctitatis speculum, præ-  
nitent-



nitentiæ Phænicem, MARIAM inquam MAGDALENAM, suscipit Tutelarem. Nec votis suis damnata Virgo, ut enim Maris se dedit MARIANO, illicò triumphare de fluctibus, superare impetus, domare procellas; assvefacta. Tumbat immensus piarum precum Oceanus, etiam illo MAGDALENÆ imbrē, quem de Oculis inter lacrymas elicuit, quando in fletum soluta, mortalitatis suæ sortem, tum Numinis nam incommoda recolebat. Hæc Tyrocinia sunt MACDALENÆ in Religione, an veriùs dixero: NAVIS in Mari MARIANO præambula. Sed quoniàm à margine recessit dictio, profundiori itaq; innatans Pelago videatur. Quæ tantùm à terræ recedit commercio, quo propiùs cælos ex edito prospicit sanctitatis. Remis velisq; Religiosi statûs, instat procellæ, ut tandem tranquillo allisa littori, pretiosa virtutum decora superis ipsis faciat venalia. Et credat avida divitiarum cupiditas, tum Cælites plurimùm CARMELO favisse, dum à littore sæcularis vitæ recedens MAGDALENA stupendo piorum operum conatu, sublimem Polum habuit sui spectatorem. Tanquàm quadam Superi premerentur indigentiâ, sic sollicitis votorum suspirijs ad fortunatoris vitæ Promontorium, Mysticam NAVIM propellebant. Ausim dicere, quòd subdita Cælis ventorum rabies, totas impetûs sui intendit vires, quibus sanctior agitata carinæ carbasus, citò Superum oculis adveniret. Sed cur violenta Eolæ dextrâ, profundas commoves lymphas? cum sua spon-te ad præfixum Cæli Emporium contendant.



probata sanctorum operum vela, cum prora  
capaciores ad Cælum sequatur decursus. Res  
mysteriò involuta, omninò clarioribus referan-  
da dictis. Iam itaq; mare linquo, & loco NA-  
VIS Cymmeliæ pretiosa devehentis, MARIAM  
clarius celebrabo. Sacram ELIANÆ Religionis  
semitam terens, egregia sanctorum vestigia ita  
incurrit: ut in Carmelo stelligerum habere O-  
lympum censeretur. Nec erraret qui Cælum  
diceret eminentem Carmeli summitatem.   
enim MAGDALENA virtutum ac piæ vitæ  
radijs, velut Numen aliquod resplenduit. Ter-  
renum, imò nominavero Cælestem collem  
hunc: vel si dubium in quonam terrarum am-  
bitu Paradisi lateant deliciæ, CARMELUS verè  
Paradisus est, cautiorem longè Parentem, MA-  
RIAM inquam MAGDALENAM continens.  
Ut etenim blandienti mundo pio effugio vale-  
dixit: ut sanctius in Carmelo vitæ Genus susce-  
pit: illicò non humana facie, sed propè Cæ-  
lesti supercilio, quidquid terrenum ante fuit, id  
non appetendo despexit. Poterant quidem &  
ad ianuam Carmelitani recessus, mundanæ se  
affundere blanditiæ, suaviter MARIAM inde a-  
vocantes. Sed quid ad hæc infracta mollibus  
dictis VIRGO! recessitnè à præmeditato pro-  
bationis vitæ termino? crediditnè, fucatis mun-  
danorum oblectamentorum coloribus? minime.  
Abijt, excessit, erupit claustrum auditu fallax mun-  
dus, & contemptum se à Virgine deflens, am-  
plius infestum robur, contra munitum MARIÆ  
pectus, ducere non tantavit. Ita elusus temeri-  
tatis



24  
tatis mundanæ lufus, immaturæ Virginis matū-  
ro & plusquàm virili aufu calcata tentationum  
protervia, & in ipsa beatoris vitæ herba, jam a-  
bundè lectus fufficiens fanctorum operum pro-  
ventus. Quid enim eft crebrior meditationis di-  
urnæ nocturnæq; ufus? quid funt intentæ Passio-  
ni Dominicæ Cogitationes? præterquàm aureæ a-  
riftæ, dignæ, quæ in Cælum NAVI Myfticâ MA-  
RI invehentur. Verè fortunatæ fpecimen In-  
fulæ Carmelus, felicibûs adeò pullulans frugibûs,  
ut fi Cælum nitore virtutum egeret, MARIANA  
NAVI latum fibi emeret fubfidium. Talem profe-  
ctò putet quilibet per MARE MARIANUM de-  
vehi NAVIM noftram, quæ ditando orbi, ornan-  
dis aſtris, delectandis Superis fufficiat. Iam itaq;  
fortunam Cæſaris aſportantem Claſſem linqui-  
mus; parum eſt, quidquid oſtendet, vile quod  
præſentet: MARIANA CLASSIS, Cælorum eſt  
fortunis oneraria. Si DEO Cælum dives, MA-  
GDALENÆ DEUS Clenodiû: fi ordinatæ Spirituû  
purorû Hierarchiæ Cælorû Ornamenta! hæ NA-  
VIS Noſtræ ſplendidi ſunt apparatus. Nec præ-  
tium Poli, MARIÆ deficit: cùm Maternum pe-  
ctus Numini alendo aptum, imò cor ipſum MA-  
GDALENÆ communicat. Hic ſi adhuc Divi-  
num planè hoc Navigium potiores exoptat mer-  
ces, Divini Pneumatis ignita afflat virtus, æſtu  
amoris æſtimanda ſatis MAGDALENÆ opera,  
in majus pretium ſubvectura. Opes igitur non  
jaçtet Tagus, nec auri portitor Ganges, ſuper-  
biat affluentia. Rubicones præ indigentia illi ſunt

D

poti-



tius, quàm aurò fluentes rivi, si modò in statera  
æstimationis cum MARIÆ pretio appendantur.  
Quidquid enim Orbis colligit æstimandum, quid-  
quid suppeditant remota montium viscera con-  
servandum, id totum Navim Nostram reddit  
onerariam. Sed fallitur præcox lingvæ dictio,  
cùm mundana Cymmelia sacratori attribuit Na-  
vi. Supra terræ humilitatem, supra mundi in-  
flatum vanâ jactantiâ animum eluctata, MARIA  
Cælorum magis deposito supereminet. Aurum  
quod humus egerit pallida gleba est, versan-  
dum ideò manibus cùm rubore, quod tam  
abjecta terræ portio sollicitè quæsita, intensius di-  
ligatur; cùm illud, milleni mali irritamentum, in-  
satiabilis appetitûs extrêma fames, censeatur.  
Gemmæ Cæli & Maris ejectamenta, cùm nulli-  
bi pretium inveniant, malefana hominum exor-  
nant desideria. Splendet Adamas, rubet Coraliû,  
humanis vel ideò dicata commodis, quòd alibi  
repulsam patiantur. Non hîs fidite sanctiorem NA-  
VIM esse onustâ illecebris, quæ postposuit Cælum,  
vel quæ tantum humano arrident voto, neque-  
unt Diviniori Carinâ asportari. Cælestibus illa Sa-  
crata Cymmelijs, Cælo semper digna, per  
Mare Gratiarum circumvehit ornamenta. Id,  
à vero non aberrare probat MADALENÆ  
sanctitas, æquanda maximis, præferenda, pluri-  
mis & nunquam humiliori censu collocanda. Se-  
raphica hæc planè VIRAGO, in terris laten-  
tem antecedendo pietatem, evolare debuit ad  
Angelos; ibi solummodò virtutum suarum inven-  
tura



tura paritatem. Et fidat fluctivaga mortalium  
Opinio, de æstuanti hac Divino amore Hierar-  
chia fuisse MAGDALENAM quæ semper succensa  
Divinissimo SPIRITU seraphicū ardorem, aman-  
do, conservavit. Vbi, precor incendium ab æ-  
stuanti MAGDALENA non timendum! cū eti-  
am ad Mare Marianum sistens Oratio, ad por-  
tum jam, adamatā Superis NAVIM, conetur dedu-  
cere. Ita enim referta virtutū Cymmelijs MA-  
GDALENA, tū mille onusta decoribus, cū  
per Mare Marianū prosperè fluctuasset, ad fortu-  
natas tandē appulit Insulas. Has dum innuo, Cælū  
intelligo; quod MARIÆ pro portu, mihi  
pro termino dictionis. Debuit MAGDALE-  
NA per Crystallinas Cælorum sphæras ultimæ ad-  
natare felicitati: quæ ubiq; NAVIS & nunc in con-  
spectu vestro apparuit virtutum Cymmelijs one-  
raria.

Iam itaq; plausus debemus triumphatrici, ad fe-  
licem portum MAGDALENÆ, quæ Tibi in  
eximium cedit encomium Sacra CARMELITANA  
RELIGIO. Lucent hic hæreditaria sidera, assurgunt  
Carmeli colles, vibratur Eliæ Gladius, omnia pro  
honore Tuo fæderata. Admittis & NAVIM MA-  
GDALENAM & Deo & Cælō onustam, requi-  
sita igitur ad invidiam cunctorum, possides or-  
namenta. Proindē in spes optimas, vel ipsis Astris  
altiùs provehare, cū Tibi eō MAGDA-

LENA, præcurrat NAVIS Virtutum  
Cymmelijs oneraria.

D I X I.







Biblioteka Jagiellońska



stdr0013040

17



